

25 მარტი 2019 წ.

ქ. თბილისი

ერთი მხრივ, შპს „საქართველოს გაზის ტრანსპორტირების კომპანია“ (შემდგომში – „შემსყიდველი“), წარმოდგენილი მისი გენერალური დირექტორის მოადგილის გიორგი მაჭავარიანის სახით, და მეორე მხრივ, შპს „კომპანია GEOSM“ (შემდგომში – „მიმწოდებელი“), წარმოდგენილი მისი დირექტორის თეიმურაზ ახოზაძის სახით, „სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის და „შემსყიდველის“ მიერ გამოცხადებული ელექტრონული ტენდერის (SPA190001247) საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანს წარმოადგენს საკანცელარიო ნივთების (CPV-30141000; 30191400; 30192100; 30192110; 30192121; 30192125; 30192130; 30192133; 30192160; 30192700; 30193100; 30193900; 30195000; 30196200; 30197110; 30197120; 30197220; 30197310; 30197320; 30197321; 30197330; 30199230; 30199500; 30199710; 30199792) (შემდგომში - „საქონელი“) შესყიდვა.

1.2. საქონლის დასახელება, რაოდენობა და განფასება მოცემულია დანართი N1-ში და წარმოადგენს წინამდებარე ხელშეკრულების განუყოფელ ნაწილს.

მუხლი 2. მხარეთა უფლება-მოვალეობები

2.1. „მიმწოდებელი“ ვალდებულია:

2.1.1. გადასცეს „შემსყიდველს“ ნივთობრივად და უფლებრივად უნაკლო საქონელი;

2.1.2. მიაწოდოს „შემსყიდველს“ ხელშეკრულებით გათვალისწინებული საქონელი, აგრეთვე მასთან დაკავშირებული დოკუმენტაცია ხელშეკრულებით გათვალისწინებული ვადებისა და პირობების შესაბამისად;

2.1.3. ხარისხიანად და ჯეროვნად შეასრულოს ხელშეკრულებით ნაკისრი ვალდებულებები.

2.2. „მიმწოდებელს“ უფლება აქვს:

2.2.1. მოსთხოვოს „შემსყიდველს“ ამ ხელშეკრულებით გათვალისწინებული საქონლის ღირებულების გადახდა წინამდებარე ხელშეკრულებით განსაზღვრული პირობებისა და ვადების შესაბამისად.

2.3. „შემსყიდველი“ ვალდებულია:

2.3.1. მიიღოს ხელშეკრულებით განსაზღვრული საქონელი და მოახდინოს სრული ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;

2.3.2. ხარისხიანად და ჯეროვნად შეასრულოს ხელშეკრულებით ნაკისრი ვალდებულებები.

2.4. „შემსყიდველს“ უფლება აქვს:

2.4.1. მოსთხოვოს „მიმწოდებელს“ საკუთრების უფლების გადაცემა წინამდებარე ხელშეკრულებით გათვალისწინებულ საქონელზე;

2.4.2. მოსთხოვოს „მიმწოდებელს“ ნივთობრივად და უფლებრივად უნაკლო საქონლის მიწოდება;

2.4.3. მოსთხოვოს „მიმწოდებელს“ მოწოდებული უხარისხო საქონლის შეცვლა.

მუხლი 3. ნივთის მიწოდების ვადები და მიღება-ჩაბარება

3.1. „მიმწოდებელი“ ვალდებულია მიაწოდოს „შემსყიდველს“ წინამდებარე ხელშეკრულების დანართი N1-ით გათვალისწინებული საქონელი, ხელშეკრულების გაფორმებიდან 15 კალენდარული დღის განმავლობაში. (მიწოდება შესაძლებელია განხორციელდეს ეტაპობრივად)

3.2. საქონლის მიწოდების ადგილი – შპს „საქართველოს გაზის ტრანსპორტირების კომპანიის“ ოფისი: ქ. თბილისი, კახეთის გზატკეცილი N21.

3.3. საქონლის მიწოდება დასტურდება მიღება-ჩაბარების აქტ(ებ)ით, რომელსაც ხელს აწერენ მხარეთა უფლებამოსილი წარმომადგენლები.

3.4. „შემსყიდველს“ უფლება აქვს უარი თქვას ნაკლის მქონე საქონლის მიღებაზე.

მუხლი 4. ხელშეკრულების ფასი და ანგარიშსწორების წესი

4.1. მისაწოდებელი საქონლის ჯამური ღირებულება შეადგენს 13 133 (ცამეტი ათას ას ოცდაცამეტი) ლარს საქართველოს კანონმდებლობით გათვალისწინებული ყველა გადასახადისა და გადასახდელის ჩათვლით.

4.2. ანგარიშსწორება მოხდება უნაღდო ანგარიშსწორებით ლარში, ფაქტიურად მიწოდებული საქონლის შესაბამისად, „შემსყიდველისთვის“ ხელშეკრულების 3.3. პუნქტით გათვალისწინებული მიღება-ჩაბარების აქტ(ებ)ისა და საქართველოს კანონმდებლობით განსაზღვრული შესაბამისი საგადახდო დოკუმენტაციის წარდგენიდან 10 (ათი) სამუშაო დღის ვადაში.

მუხლი 5. ხელშეკრულების მოქმედების ვადა და შეწყვეტის პირობები

5.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2020 წლის 31 იანვრის ჩათვლით.

5.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

5.3. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

5.4. „შემსყიდველი“ უფლებამოსილია ცალმხრივად მოშალოს ხელშეკრულება თუ „მიმწოდებლის“ მიერ მიწოდებული საქონლის ხარისხი არ შეესაბამება წინამდებარე ხელშეკრულებით დადგენილ პირობებს.

5.5. „მიმწოდებელი“ უფლებამოსილია ცალმხრივად მოშალოს ხელშეკრულება „შემსყიდველის“ მიერ მისაწოდებელი საქონლის ხელშეკრულებით გათვალისწინებული ღირებულების და ვადების შესაბამისად აუნაზღაურებლობის შემთხვევაში, რა დროსაც მას უფლება აქვს

მოითხოვოს ღირებულების გადაუხდელობით და ვადების დარღვევით გამოწვეული ზიანის ანაზღაურება.

5.6. მხარეთა მიერ ხელშეკრულების მოშლის სხვა საფუძვლები რეგულირდება საქართველოს კანონმდებლობით დადგენილი წესით.

მუხლი 6. საქონლის ხარისხი და გარანტია

6.1. „მიმწოდებელი“ იღებს ვალდებულებას, რომ მიწოდებული საქონლის ხარისხი უპასუხებს ხელშეკრულებით გათვალისწინებულ პირობებს.

6.2. „მიმწოდებელი“ იძლევა გარანტიას, რომ მის მიერ მიწოდებულ საქონელს არ გააჩნია ქარხნული წუნი ან დეფექტი. წინააღმდეგ შემთხვევაში „მიმწოდებელი“ ვალდებულია საკუთარი ხარჯით შეცვალოს საქონელი ახლით, ქარხნული წუნის ან დეფექტის გამოვლენის თაობაზე შესაბამისი შეტყობინების მიღებიდან 10 (ათი) სამუშაო დღეში.

6.3. საგარანტიო პერიოდი განისაზღვრება წინამდებარე ხელშეკრულების დანართი N1-ის შესაბამისად და იწყება მიღება-ჩაბარების აქტ(ებ)ის გაფორმების დღიდან.

მუხლი 7. ხელშეკრულების ინსპექტირების პირობები

7.1. „მიმწოდებლის“ მიერ ხელშეკრულების პირობების შესრულებაზე კონტროლს ახორციელებს „შემსყიდველის“ მიერ შექმნილი ინსპექტირების ჯგუფი.

7.2. „შემსყიდველი“ უფლებამოსილია, საქონლის მიწოდების დამადასტურებელი მიღება-ჩაბარების აქტის გაფორმებამდე ჩაატაროს ინსპექტირება საქონლის ხელშეკრულებით გათვალისწინებულ მოთხოვნებთან შესაბამისობის დადგენის მიზნით.

7.3. ინსპექტირებისას გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“.

მუხლი 8. პასუხისმგებლობა და ხელშეკრულების პირობების შეუსრულებლობა

8.1. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

8.2. მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ შეწყვიტოს წინამდებარე ხელშეკრულება.

8.3. „მიმწოდებლის“ მიერ საქონლის მიწოდების ვადის გადაცილების შემთხვევაში, „შემსყიდველი“ უფლებამოსილია დააკისროს მას პირგასამტეხლო მისაწოდებელი საქონლის ღირებულების 0,1%-ის ოდენობით ყოველ ვადაგადაცილებულ დღეზე.

8.4. „შემსყიდველის“ მიერ წინამდებარე ხელშეკრულებით დადგენილ ვადებში მისაწოდებელი საქონლის ღირებულების გადაუხდელობის შემთხვევაში „მიმწოდებელი“ უფლებამოსილია

დააკისროს მას პირგასამტეხლო გადაუხდელი თანხის 0,1%-ის ოდენობით ყოველ ვადაგადაცილებულ დღეზე.

8.5. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, „შემსყიდველს“ უფლება აქვს შეწყვიტოს ხელშეკრულება.

8.6. საჯარიმო სანქციის გადახდა არ ათავისუფლებს მხარეებს ძირითადი ვალდებულებების შესრულებისგან.

8.7. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

8.8. ხელშეკრულებიდან ვადამდე გასვლასთან, ხელშეკრულების შეწყვეტასთან და ზიანის ანაზღაურებასთან დაკავშირებული საკითხები რეგულირდება წინამდებარე ხელშეკრულებითა და საქართველოს სამოქალაქო კოდექსით.

მუხლი 9. ხელშეკრულების პირობების გადასინჯვა

9.1. წინამდებარე ხელშეკრულებაში ნებისმიერი ცვლილებისა და დამატების განხორციელება შეიძლება მხოლოდ წერილობითი ფორმით, რაც უნდა დადასტურდეს მხარეთა უფლებამოსილი პირების ხელმოწერით და დაერთოს წინამდებარე ხელშეკრულებას, როგორც მისი განუყოფელი ნაწილი.

9.2. ხელშეკრულების ფასის შეცვლა დასაშვებია მხოლოდ საქართველოს სამოქალაქო კოდექსის 398-ე მუხლით განსაზღვრული გარემოებების არსებობისას და დადგენილი წესით.

მუხლი 10. ფორს-მაჟორი

10.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს მაჟორულ გარემოებებად).

10.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

10.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

10.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

მუხლი 11. დავის გადაწყვეტა

11.1. მხარეებს შორის წინამდებარე ხელშეკრულებიდან გამომდინარე რაიმე დავის ან აზრთა სხვადასხვაობის წარმოქმნისას, მხარეები შეეცდებიან გადაწყვიტონ დავა მოლაპარაკების გზით.

11.2. თუ გონივრულ ვადაში სადავო საკითხის გადაწყვეტა მოლაპარაკებით ვერ მოხერხდა, დავის გადაწყვეტა მოხდება საქართველოს საერთო სასამართლოში საქართველოს მოქმედი კანონმდებლობის შესაბამისად.

მუხლი 12. დასკვნითი დებულებები

12.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად, რომლებიც ინახება მხარეებთან.

12.2. წინამდებარე ხელშეკრულება და მასში გათვალისწინებული მხარეთა უფლებამოსილებები და ვალდებულებები რეგულირდება, განიმარტება და აღსრულებადია საქართველოს კანონმდებლობის შესაბამისად. წინამდებარე ხელშეკრულებით გათვალისწინებულ ურთიერთობებზე აგრეთვე ვრცელდება საქართველოს კანონმდებლობა.

12.3. ყველა შეტყობინება ამ ხელშეკრულებით ითვლება გაგზავნილად, თუ ის გაიგზავნა წერილობით ხელშეკრულებაში მითითებულ მხარის მისამართზე, ან ჩაბარდა მხარეს ხელზე.

12.4. მხარეებს უფლება არა აქვთ წინამდებარე ხელშეკრულებიდან გამომდინარე უფლებები და მოვალეობები გადასცენ მესამე პირს მეორე მხარის წინასწარი წერილობითი თანხმობის გარეშე.


12.5. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

12.6. ხელშეკრულების დანართები წარმოადგენენ მის განუყოფელ ნაწილს.

მუხლი 13. მხარეთა იურიდიული მისამართები და ხელმოწერები

„შემსყიდველი“ შპს „საქართველოს გაზის ტრანსპორტირების კომპანია“ მის.: ქ. თბილისი, კახეთის გზატკეცილი №21 ს/კ: 206103722 სს „საქართველოს ბანკი“ ბ/კ BAGAGE22 ა/ა GE15BG0000000175520100 გიორგი მაჭავარიანი გენერალური დირექტორის მოადგილე	„მიმწოდებელი“ სს „კომპანია GEOSM“ მის: ქ. თბილისი, აღ. ყაზბეგის N47 ს.კ 404873614 სს „პროკრედიტ ბანკი“ ბ/კ MIBGGE22 ა/ა: GE45PC0223600100010827 თეიმურაზ ახოზაძე დირექტორი
---	--

გიორგი ქარაზანიშვილი მარიამ პრობელიძე ირაკლი თადიაშვილი ნათია ლლონტი ალექსანდრე კოპაძე ზაზა ოქრომჭედლიძე გიორგი მარგებაძე



#	დასახელება	ტექნიკური პარამეტრები	განზ. ერთეული	რაოდენობა	მწარმოებელი ქვეყანა	მწარმოებელი	მოდელი	ერთეულის ღირებულება	საერთო ღირებულება
1	სტიკერი	შეფუთვაში 5 ფერი, რაოდენობა 125 ცალი, ზომა მოსანიშნების 12X45 მმ, (პლასტიკური) მრავალჯერადი გამოყენების	შეკვრა	50	ჩინეთი	MERRY STATIONERY	SN5040	0.86	43
2	შრედერი	სიმძლავრე – 240 ვტ; განადგურების სიჩქარე – 2 მწთ; კალათის მოცულობა 23 ლიტრი; გაბარიტული ზომები 375X235X550 მმ; ერთდრულად 12 ცალი ფურცლის განადგურების საშუალებით; დისკის (CD) განადგურების ფუნქციით. შენიშვნა: საქონელი დამზადებულია ქარხნული წესით, ახალი და ხარვეზის გარეშე. გარანტია მიღება-ჩაბარების გაფორმებიდან 1 წლის განმავლობაში.	ცალი	7	ჩინეთი	DELI	9903	468.13	3276.91
3	საწერი კალამი	პლასმასის კორპუსით, თავსახურით 1.0 წვერით (კალამი შემსყიდველთან შეთანხმებით)	ცალი	1330	ჩინეთი	HELIO	HR944	0.13	172.9
4	ფანქარი	უბრალო, საშლით	ცალი	530	ჩინეთი	DELI	EU50000	0.12	63.6
5	დაფა	თეთრი მაგნიტური დაფა ალუმინის ჩარჩოთი, უკანა მხარე გალვანიზებული მეტალის ფირფიტით, ზომა 90x120, დაფის აქსესუარების დასალგებელი თაროს სიგრძე 44სმ	ცალი	10	ჩინეთი	DELI	E39034	62.22	622.2
6	მარკერი დაფის	დაფის (ლურჯი-25ც, წითელი-25ც, შავი-20ც)	ცალი	70	ჩინეთი	DELI	EU00120	0.51	35.7
7	მარკერი ფერადი	ქაღალდის, ფერადი (ფერი შემსყიდველთან შეთანხმებით)	ცალი	295	ჩინეთი	DELI	S600	0.68	200.6
8	მარკერი მინა-მეტალის	მეტალზე და შუშაზე დასაწერად,	ცალი	140	ჩინეთი	DELI	EU10420	0.63	88.2

9	წებოვანი ფურცლები	75X75 მმ მრავალფეროვანი, წებოვანი, 400 ფურცლიანი	შეკვრა	545	ჩინეთი	MERRY STATIONERY	SN2421	3.37	1836.65
10	კლიფი	15 მმ-იანი, კოლოფში 12 ცალი	კოლოფი	150	ჩინეთი	DELI	E38566	0.58	87
11	კლიფი	32 მმ-იანი, კოლოფში 12 ცალი	კოლოფი	150	ჩინეთი	DELI	E38563	1.38	207
12	კლიფი	51 მმ-იანი, კოლოფში 12 ცალი	კოლოფი	200	ჩინეთი	DELI	E38561	3.57	714
13	ჭიკარტი	მადლოთვანი, ფერადი, კოლოფში 35 ცალი	კოლოფი	145	ჩინეთი	DELI	E0021	0.94	136.3
14	სკრეპი	ფერადი 30 მმ-იანი, კოლოფში 100 ცალი	კოლოფი	270	ჩინეთი	DELI	E39716	0.58	156.6
15	საშლელი	სიგრძე 40 მმ, სიგანე 22 მმ, სისქე 10 მმ	ცალი	175	ჩინეთი	DELI	EH00310	0.26	45.5
16	სტებლერი	მეტალის და პლასტმასის კომბინაცია, მეტალის მყარი ხიდით, სკოლის მზიდი მეტალის, კონმაგს 25 ფურცელს, N#24/6	ცალი	100	ჩინეთი	DELI	E0426	3.91	391
17	სტებლერი	ზომი- N 10	ცალი	50	ჩინეთი	DELI	E0224	1.46	73
18	ანტისტებლერი	პლასტმასის კორპუსით	ცალი	125	ჩინეთი	DELI	E0231	1.07	133.75
19	ჩასანიშნი ფურცლები	ფერადი, ზომა 9X 9სმ, 870 ფურცლიანი შეკვრა	შეკვრა	470	ჩინეთი	MERRY STATIONERY	SN2944	3.09	1452.3
20	ორგანიზერი	მცალი ფორმის, შავი ფერის პრიალა პლასტმასის სამაგიდე ნაკრები სკრეპების და ჭიკარტების ჩასაყრელი უჯრით, 18 საგნით, კერძოდ: 1. მაკრატელი- 1 ცალი; 2. სტებლერი -1 ცალი; 3. სკოჩი საჭრელით -1 ცალი; 4. სტებლერის ტყვიები-1 კოლოფი; 5. საკანცელარიო დანა-1 ცალი; 6. სახაზავი-1 ცალი; 7. ანტისტებლერი - 1 ცალი; 8. საშლელი-1 ცალი; 9. ფანჯარი საშლელით-2 ცალი; 10. საწერი კალამი-2 ცალი; 11. ჩასანიშნი ქაღალდი 1 შეკვრა; 12. ჭიკარტი -10 ცალიანი შეკვრა -1 ცალი 13. სკრეპი - 20 ცალიანი შეკვრა - 1 ცალი	კომპლექტი	50	ჩინეთი	DELI	E38251	18.71	935.5

21	მაგიდის თარი მეტალის	მეტალის შავი ფერის ბადიანი საკანცელარიო თარი სამი სართული	ცალი	63	ჩინეთი	DELI	LY-9205	14.76	929.88
22	სათლელი	მყარი მეტალის, ფანქრის სათლელი, ოვალური ფორმის	ცალი	10	ჩინეთი	DELI	E0595	1.71	17.1
23	სკოჩი დიდი	37 მ, გამჭვირვალე, სიგანე 45 მმ	ცალი	33	ჩინეთი	DELI	30181	1.13	37.29
24	სკოჩი პატარა	13 მ გამჭვირვალე, სიგანე 18 მმ	ცალი	140	ჩინეთი	DELI	30061	0.18	25.2
25	საკანცელარიო დანა	საშუალო ზომის, შემსყიდველთან შეთანხმებით	ცალი	85	ჩინეთი	DELI	E2001	1.59	135.15
26	მაკრატელი	სიგრძე - 17 სმ, მჭკრელი პირის სიგრძე – 6 სმ. მყარი სახელურებით	ცალი	25	ჩინეთი	DELI	E0603	1.31	32.75
27	კალკულატორი	12 თანრიგი; 187x145x35 მმ; CORRECT, AUTO REPLAY და CHECK ფუნქციებით	ცალი	30	ჩინეთი	DELI	5601	6.72	201.6
28	სახაზავი	30 სმ-ანი, პლასტმასის	ცალი	55	ჩინეთი	DELI	E6230	1.05	57.75
29	დირაკოლი დიდი	მეტალის, სახაზავით, 35 ფურცლის გაზერეუტის შესაძლებლობით	ცალი	10	ჩინეთი	DELI	E0120	16.83	168.3
30	კორექტორი კალამი	7 მლ. ბურთულაიანი წვერი 0.8 მმ	ცალი	32	ჩინეთი	DELI	E39296	0.86	27.52
31	კორექტორი ლენტიაანი	სიგანე 5 მმ. სიგრძე 12 მეტრი	ცალი	20	ჩინეთი	DELI	8137	1.4	28
32	წებო მშრალი	მშრალი, 15 გრამიანი	ცალი	40	ჩინეთი	LOU FOR	GA21A	0.66	26.4
33	სტეპლერის პატარა ტყვიები	ზომა- N 10-1m, კოლოფში 1000 ცალი	კოლოფი	80	ჩინეთი	DELI	E0010	0.27	21.6
34	კონვერტი ა-3	თვითწებვადი, თეთრი ფერის ქაღალდის 32X42 სმ. ქაღალდის წონა 110 გრ	ცალი	1200	ჩინეთი	ASIL	მოდელი არ გააჩნია	0.31	372
35	კონვერტი ა-4	თვითწებვადი, თეთრი ფერის ქაღალდის 240X320 მმ. ქაღალდის წონა 110 გრ	ცალი	1200	ჩინეთი	ASIL	მოდელი არ გააჩნია	0.18	216
36	კონვერტი ა-5	თვითწებვადი, თეთრი ფერის ქაღალდის 160X230 მმ. ქაღალდის წონა 110 გრ	ცალი	1000	ჩინეთი	ASIL	მოდელი არ გააჩნია	0.1	100
37	კონვერტი დიპლომატიური	თვითწებვადი, თეთრი ფერის ქაღალდის 105X240 მმ. ქაღალდის წონა 110 გრ	ცალი	400	ჩინეთი	ASIL	მოდელი არ გააჩნია	0.07	28

38	ბეჭედი მელანი, ლურჯი	40მლ	ცალი	3	ჩინეთი	HORSE	YX030	0.7	2.1
39	კალენდარი მაგიდის	2019 წლის, სამკუთხედი დასადგამით, მუყაოს ფურცლებით, ზამზარით, საშუალო ზომის	ცალი	3	საქართველო	ცოტი	მოდელი არ გააჩნია	3.5	10.5
40	სტუპლურის ტყეები დიდი	#24/6, კოლოფში 1000 ცალი	კოლოფი	15	ჩინეთი	DELI	E0012	0.41	6.15
41	დისკის ჩასადები	CD და DVD დისკების ჩასადებად	ცალი	5	ჩინეთი	HELIO	მოდელი არ გააჩნია	3.6	18
ჯამი									13133

„შემყიდველი“ შპს „საქართველოს გაზის ტრანსპორტირების კომპანია“ მის.: ქ. თბილისი, კახეთის გზატკეცილი №21 ს/კ: 206103722 სს „საქართველოს ბანკი“ ბ/კ BAGAGE22 ა/ა GE15BG0000000175520100	„მიმწოდებელი“ სს „კომპანია GEOSM“ მის: ქ. თბილისი, ალ.ყაზბეგის N47 ს.კ 404873614 სს „პროგრედიტ ბანკი“ ბ/კ MIBGGE22 ა/ა: GE45PC0223600100010827
გიორგი მაჭავარიანი გენერალური დირექტორის მოადგილე	თეიმურაზ ახოშაძე დირექტორი